

Nga Minita:

Atirikona Brocklehurst. Tiamana.
 Rev. Wipere Mataira o Nuhaka.
 Rev. Peni Hakiwai o Moteo.
 Rev. Wharetini Rangi o Waipawa.
 Rev. P. Peneti. Kai tiroiro o Te Waipatu.

Nga Reimana:

Matene Whaanga o Nuhaka.
 Pira Tiopira o Moteo.
 Henare Hutana o Waipawa.
 Paraire Tomoana o Te Waipatu.
 Rewi Tamihana o Te Wairoa.

I whakapuaretia te hui e te Tiamana ki te kupu inoi.

I panuitia e te Hekeretari nga meneti o te hui tuatahi o te Komiti. Pauhitia ana.

Ko nga take enei i whakahaeretia:—

1. Hora i te Rongopai.

I whakaatu te kai-tiaki moni ko nga moni i kohia e nga pariha Maori o tenei Atirikonatanga mo te kawe i te Rongopai ki nga iwi o te ao kei te pouritanga e noho ana. e 21—17—1.

	£	s.	d.
No Porangahau	14	10	0
No Waipawa	4	10	1
No Te Waipatu	1	6	0
No Nuhaka	1	11	0

£21 17 1

I whakaaturia te uaua o te kitea o te moni i tenei tau mo nga take ake o te Pariha, kaore i eke te moni i whakaarotia ai. Ko te Pariha anake o Waipawa (tae atu ki Porangahau) i whai whakaaro mo tenei take.

2. Duplex Envelope System. Kohi whare-pukapuka.

I whakaatu te tiamana kua tae mai nga whare-pukapuka me nga whakamarama. He mai nga patapatai ki te tiamana mo te ahua o te whakahaere, me te marama ano hoki o nga whakahoki. Ko te utu mo nga pukapuka, me nga whare 100, e £5.

Whakaritea ana me whakahaere taua tikanga ki nga Pariha o Waipawa, o Moteo, o Te Waipatu, o Nuhaka.

I whakamaramatia ko te kaupapa pai o tenei ahua kahi ko te ako i te tangata ki te kahi mo nga mahi a te Atua i ia wiki, i ia wiki, ahakoa karakia, kore karakia ranei. Tuurua, ko te atu wehe i tana kahi mehemea ki te pera tana whakaaro, mo nga take o te pariha tetahi wahi, mo te hora i te Rongopai tetahi wahi. Kei te tangata tonu te whakaaro mo te iti, mo te rahi, ki tetahi take, ki tetahi take.

Na Peneti te motini, na W. Rangi i tautoko:—

“Kia timatatia maianei te whakahaere kahi a-pukapuka ki o tatou pariha Maori, a ko nga hekeretari enei hei whakahaere i taua take”:

Mo te mare kaore he rongoa hei rite ki te **Wood's Great Peppermint Cure.**